

行

伍

頭痛

心痛

眩暈

腰脇痛

頭痛

頭圓象天故居人身之上為諸陽之會頭疼之疾非止一端如痛引腦癰陷至泥丸宮者是為真頭痛旦發夕死夕發旦死非藥物之可療今之辨氣虛弱者或為風寒之氣所侵邪正相搏伏而不散發為偏正頭痛其脉多浮緊又有胃膈停痰厥而頭痛蓋厥者逆也逆壅而衝於頭也痰厥之脉時伏時見亦因有腎虛而氣厥并新沐之後當風露卧皆能令人頭痛治之當詳其所因風邪則驅散痰聚則溫利之腎虛則補暖之尋常感冒頭痛發熱又宜隨證治之

加減三五七散

和勝方方見風門治風寒入腦太陽頭痛

川芎茶調散

和脬方方見風門治諸風上攻頭目偏正頭痛

如聖餅子

和脬方治風寒伏留陽經氣厥痰飲一切頭痛

防風 半兩

南星 一兩洗

天麻 半兩

乾姜 兩

川芎

甘草 炙各二兩

半夏 生半兩

川烏 去皮一兩

右為末滴水圓作餅子每服五餅同荊芥細嚼茶

酒任下澹寮方加細辛

藿香散

三因方治体虛陽風停聚痰上厥頭疼或偏或

正并治夾腦諸風

草烏頭 炮去皮尖半兩

川烏頭 湯洗七次去皮尖一兩

乳香 三皂角子大

藿香 半兩

右為末每服二錢薄荷煎湯食後調服

芎辛湯

三因方治氣虛頭痛疼

生附子

生烏頭

各去史臍

天南星

乾姜

細辛

川芎 各一兩

甘草

炙七錢半

右咬咀每服四錢水一盞姜七片茶葉少許煎服

芎朮湯

三因方治著濕頭痛眩暈痛極

附子

生去史臍

白朮

川芎 各半兩

桂心

甘草

各二錢半

右咬咀每服四錢水一盞姜七片棗子一箇同煎

食前服

小芎辛湯

濟生方治風寒在腦頭痛眩暈嘔吐不定

川芎 一兩

細辛 洗去土

白朮

甘草

炙各半兩

右咬咀每服四錢水一盞姜五片桑芽少許煎服不拘時

菊花散

濟生方治風熱上攻頭痛不止

石膏

甘菊花

去梗

防風

去節

旋覆花

去梗

枳殼

去穢炒

蔓荊子

甘草

炙

川羌活

去芦各等分

右咬咀每服四錢水一盞姜五片煎七分溫服

葱附圓

濟生方治氣虛頭痛

附子 一隻炮去皮臍

右為細末葱涎為丸如梧桐子大每服五十丸空心茶清下

三生丸 濟生方治痰厥頭痛

半夏

白附子

天南星 各等分

右為末生姜自然汁浸蒸餅為丸如菉豆大每服四十丸食後姜湯下

玉真丸 濟生方治腎厥頭痛不可忍其脈舉之則弦

按之則堅

生硫黃

二兩別研

石膏

硬者不煨

半夏

湯洗七次

硝石

別研各一兩

右為末研均用生姜汁煮糊丸如桐子大每服四十丸食前姜湯米飲任下虛寒甚去石膏用鍾乳粉一兩

都梁丸 百一選方治風吹項背頭目昏眩以及腦痛

婦人產前產後傷風頭痛並皆治之

香白芷 大塊擇白色潔者先以棗刷去塵土用沸湯泡洗四五次剉用

右為末煉蜜丸如彈子大每服一丸細嚼用荊芥

湯點茶下

人參順氣散 活人方治頭痛頭疼增寒壯熱四肢痛疼

麻黃 去節一兩半 乾葛 甘草 炙

白朮 人參 桔梗 去芦

香白芷 各一兩 白姜 砲半兩

右為末每服三錢水一盞姜三片葱白二寸同煎連進取汗

葛根湯

活人方治感風熱頭療不止

葛根

為藥 各半兩

川芎 一兩

葱白 一握

乾姜 一兩

知母 半兩

石收咀以水三升煎至一升半去渣每服一盞

通關散

和劑方治感風發熱頭疼鼻塞

撫芎 二兩

川芎 一兩

川烏 一兩半

細辛 半兩

白芷

甘草

龍腦薄荷 各一兩半

右為末每服二錢葱白茶清調下薄荷湯亦可

必勝散

楊氏家藏方治風寒流注陽經以致偏正頭

疼久年不愈此藥最有神効

附子

大者一隻生去皮切為四段以生薑自然汁一大盞浸一宿火炙乾再於姜汁內煎再炙再煎以盡

度為

高良姜

與附子等分

右為末每服二錢臘茶清調食後連造二服忌熱

物少時

天香散

簡易方治久年頭風不得愈者

天南星

半夏

湯洗去滑

川烏

去皮

白芷

各等分

右以咀每服四服水一盞煎至半盞入姜汁半盞

煎調分溫服

治傷風感風一切頭痛

本事方

并菊

一兩

細辛

半兩

甘草

七錢半

白芷

香附子

羌活

薄荷

各二兩

荊芥

二十支

茵陳

五錢

蒼朮

泔浸

川芎

各一兩

右為末每服二錢茶清調下婦人產後當歸石膏

末調下

治丈夫婦人風虛一切頭痛氣虛大事方

茵陳

五錢

麻黃

石膏

煨存性各二兩

右為末每服一錢食後臘茶調下少臥霎時

治偏正遠年近日一切頭痛 本事方

右用蘿蔔汁一蟬殼許令病者仰卧右疼注左鼻
左疼注右鼻兩邊皆痛並注之

治偏正頭疼 本事方

猪芽皂角

去皮

香白芷

白附子 各等分

右為末每服二錢食後臘茶清調下右痛右側卧
左痛左側卧兩邊痛皆疼仰卧

治頭風 本事方

香附子 一斤炒

烏頭 一兩炒

甘草 二兩

右為末煉蜜凡如彈子大每服一丸葱茶嚼下

普寧散 濟生方治頭風

雄黃 研細

細辛

洗去葉各半兩

川烏尖

去皮五生用



直指方治風壅頭痛

川芎

白芷

荆芥穗

軟石膏

煨各等分

右為末每服壹錢食後沸湯調下

治頭痛不可忍

醫方大成

玄胡索

七枚

青黛

二錢

猪茅皂角

肥實者刮去皮及子二斤

右為末用水調丸成小餅子如仁杏仁大用時令

病者仰臥以水化開用竹管送入男左女右鼻中

覺藥味至喉少酸令病者却令咬定銅錢一箇於

當門齒上當見涎出成盆即愈

治偏正頭風

澹寮方

用川芎二兩香附子炒四兩共為末以茶清調服得臘茶清尤好

治頭風

醫方大成專治氣虛頭痛

右用上春茶末調成膏置瓦盞內覆轉以已豆四十粒作二次燒烟薰之晒乾用乳鉢研爛為末每服一字別入好茶末食後煎服

胡芦芭散

醫方大成專治頭痛

胡芦芭

乾姜炮

三棱各等分

右咬咀每服五錢水一大盞空心煎服

止痛太陽丹 經驗方

川烏 天南星

右等分爲細末葱白連須搗爛調末藥貼於太陽痛處

川芎散 按粹方治偏頭痛神効

甘菊花 石膏 川芎 各三錢

右爲細末每服三錢茶清調下一方有白殭蚕六

錢生用

石膏散 按粹方治頭痛不可忍

麻黃 去根節 石膏 各一兩 何首烏 半兩

乾葛 七錢半

右為細末每服三錢生姜三片水煎稍熱服

濟生方

治男子氣厥頭疼婦人氣盛頭疼及

產後頭疼皆治之

川芎

天台烏藥 各等分

右為細末每服二錢臘茶清調服或用蔥茶湯調服並食後

治頭種頭風

秘方

雀腦芎 一大塊 江子 四十九粒

草麻子 四十九粒

右搗如泥用糊丸為丸如彈子大將線穿掛於通風處陰干如用時先將好末茶調成膏子塗於患處內後將炭火燒前藥烟起將茶盞蓋在烟上待烟

過可煎百沸葱湯點盞內茶藥服後以綿衣被裹
頭卧出汗

定風餅子

秘方

草烏頭

半兩
微炮

香白芷 一兩

川芎 二兩

防風

天麻

甘草 炒各一兩

細辛 五錢

右爲末姜汁丸如龍眼大捏餅子每服一餅食後
茶湯下

香芎散

神効方治偏正頭風

香附子 炒

川芎

石膏 水飛

白芷

甘草

薄荷 各一兩

川烏頭 五錢 茶清調脰

右為末每服二錢茶清調下食後

真珠散

聖惠方治偏正頭疼頭風

盆硝 七錢半

白滑石 一兩

乳香 一錢半

片腦 少許

右研細用一字膾口水嚙鼻內

川芎丸

聖惠方消風壅化痰涎利咽膈清頭目旋暈

心忪煩熱頓項緊急肩背拘倦肢體煩疼皮膚瘙癢

腦昏目疼鼻塞声重面上遊風狀如虫行

川芎

薄荷葉

各五十兩

細辛 五兩

防風

五兩

桔梗

一百兩

甘草

三十五兩